



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE SESTU
TZITADI METROPOLITANA DE CASTEDDU



Ddu sciiast?



S'ecuinòtziu sinniat s'inghitzu de su beranu e de s'atòngiu e ocannu su segundu arruit su 23 de cabudanni, ddu sciiast?

S'ecuinòtziu, chi in su 2022 at a essi a is 3:03 de mengianu de su fusu-oràriu nostu, est su mamentu chi s'assi de arrodadura de sa Terra s'agatat a prumu a sa diretzioni de is ràgius de su soli. In custa dii is oras de luxi e de scuriu tenint sa matessi longària, tanti chi su fueddu benit de su latinu aequinoctium, est a nai aequus (uguali) e nox (noti).

Ma poita no est su 21 de cabudanni? Sa dii de s'ecuinòtziu de atòngiu, aici cumentu cussu de beranu e de is solstizius, mudat po mori de s'incruadura de s'assi de sa terra e de "s'alliscinadura" in su calendàriu po nexi de is annus bisestus. Po torrai a biri unu ecuinòtziu de atòngiu su 21 de cabudanni at a tocai abetai a su 2092, candu at a arrui a is 11:41 de su noti po su fusu-oràriu UTC, duncas in Sardìnnia at a essi in dònna manera giai su 22.